



左傳齊仲孫湫來省難。仲孫歸。公曰。魯可取乎。對曰。不可。猶秉周禮。周禮所以本也。國將亡。本必先顛。而後枝葉從之。魯不棄周禮。未可動也。

史商君立法辨。甘龍曰。三王不同禮。而至。五伯不同法。而伯。智者作法。愚者制焉。賢者更禮。不肖者拘焉。司馬錯對張儀曰。欲富國者務廣其地。欲強兵者務富其民。欲王者務博其德。三資者備。而王道隨之矣。秦紀載賈誼論曰。始皇奮六世之餘烈。振長策而御宇內。吞二周而亡諸侯。履至尊而制六合。執敲朴以

鞭笞天下。威振四海。南取百粵之地。以為桂林象郡。百越之君。俛首係頸。委命下吏。乃使蒙恬北築長城。而守藩籬。却匈奴七百餘里。胡人不敢南下而牧馬。士不敢彎弓而報怨。於是廢先王之道。燔百家之言。以愚黔首。墮名城。殺豪俊。收天下之兵。聚之咸陽。銷鋒鋌。鑄以為金人十二。以弱天下之民。然後踐華為城。因河為池。據億丈之城。臨不測之谿。以為固。良將勁弩。守要害之處。信臣精卒。陳利兵而誰何。天下已定。始皇之心。自以為關中之固。金城千里。子孫帝王

萬世之業也。始皇既沒。餘威振於殊俗。然而陳涉甞庸。繩樞之子。眡隸之人。而遷徙之徒也。材能不及中庸。非有仲尼墨翟之賢。陶朱猗頓之富。躡足行伍之間。俛起阡陌之中。率罷弊之卒。將數百之衆。轉而攻秦。斬木為兵。揭竿為旗。天下雲集而響應。贏糧而景從。山東豪俊。遂並起而亡秦族矣。且夫天下非小弱也。雍州之地。殽函之固。自若也。陳涉之位。非尊於齊也。雍州之地。殽函之固。自若也。陳涉之位。非尊於齊也。楚燕趙韓魏宋衛中山之君也。鉏耰棘矜。非銛於鉤戟長鎗也。謫戍之衆。非抗於九國之師也。深謀遠慮。

行軍用兵之道。非及曩時之士也。然而成敗異變。功業相反。試使山東之國。與陳涉度長絜大。比權量力。則不可同年而語也。然秦以區區之地。致千乘之權。招八州而朝。同列百有餘年矣。然後以六合為家。殺函為宮。一夫作難。而七廟墮。身死人手。為天下笑者。何也。仁義不施。而攻守之勢異也。銀音的。羸音盈。擔也。景音影。轆音轆也。

矜音槿。銛音恬。利也。綴音德。

漢武帝本紀贊曰。漢承百王之弊。高祖撥亂反正。文景務在養民。至于稽古禮文之事。猶多闕焉。孝武初

立卓然。罷黜百家。表章六經。遂疇咨海內。舉其茂俊。與之立功。號令文章。煥焉可述。後嗣得遵洪業。而有三代之風。如武帝之雄才大畧。不改文景之恭儉。以濟斯民。雖詩書所稱。何以加焉。

異姓諸侯表曰。漢亡音無尺土之階。繇一劔之任。五載而成。帝業書傳所記。未嘗有焉。何則。古世相承。皆承聖王之烈。今漢獨收孤秦之弊。鑄金石者難為功。摧枯朽者易為力。其勢然也。叔孫通說高帝起朝儀。曰。夫儒者難與進取。可與守

成。

蜀費詩諫不宜即漢中。習鑿齒議之曰。創本之君。須大定而後正。已纂統之主。俟述建以定衆心。是故惠公朝虜而子圍夕立。更始尚存而光武舉號。夫豈忘主微利。社稷之故也。用能使民欣反。正世觀。舊物杖順者齊心。附逆者同懼。何推讓之有。

揚戲贊蜀先主曰。文王歌德。武王歌興。夫命世之主。樹身行道。非惟一時。亦由開基植緒。光于來世者也。吳陸沉聞都下政令多闕。乃上疏曰。德均則衆者勝。

家力。則安者制危。蓋六國所以兼并於強秦。西楚所以北面於漢高也。

魏荀彧對操曰。奉主上以從民望。大順也。秉至公以服雄傑。大畧也。扶弘義以致英俊。大德也。天下雖有逆節。必不能為累。

孫盛議宗預使吳曰。帝王之保。為道與義。道義既建。雖小可大。殷周是也。苟任詐力。雖強必敗。秦項是也。况乎居偏鄙之域。恃山水之固。而欲連橫萬里。永相資賴哉。昔九國建合從之計。而秦人卒并六合。昶述

營輔車之謀。而光武終兼隴蜀。夫以九國之強。隴蜀之大。莫能相救。坐觀屠戮。何者道德之基不固。而強弱之心難一故也。

武帝紀總論曰。自古帝王之興。誠有天命。亦賴累功。積德。方契靈心。征伐四尅。威被遐荒。驅率遺黎。奮其靈武。克翦方難。遂啓中原。垂拱人神。顯登皇極。雖冠履不暇。棲遑外土。而制作經謨。咸出長久。所謂大人利見。百姓與能。抑不世之神武也。

晉紀總論曰。周公遭變。陳后稷先公風化之所由。致王業之艱難者。則皆農夫女工衣食之事也。故自后稷之始。基靖民。十五王而文始平之。十六王而武始居之。十八王而康克安之。故其積基樹本。經緯禮俗。節理人情。恤隱民事。如此之纏綿也。

陳世祖本紀曰。世稱繼體守文。宗枝承統。得失之間。蓋亦詳矣。大抵以奉而勿墜為賢能。撓而易之為不肖。其有光揚前軌。克荷曾構。曾音層。高也。固以少焉。

魏徵齊紀總論曰。觀夫有齊全盛。控帶遐阻。西包汾晉。南極江淮。東盡海隅。比漸沙漠。料甲兵之衆寡。校

帑藏之虛實。折衝千里之將。帷幄六奇之士。比二方之優劣。無等級以寄言。然其大行長城之固自若也。

江淮汾晉之險不移也。帑藏輸稅之富未虧也。帑音如又

音倘金帛所藏之府也士庶甲兵之衆不缺也。然而前王用之

而有餘。後王守之而不足。其故何哉。前王之御時也。

沐雨櫛風。拯其溺而救其焚。信必賞。過必罰。安而利

之。既與其其存亡。故得同其生死。後主則不然。以人

從欲。損物益己。雕牆峻宇。其酒嗜音。壓肆遍於宮園。

禽色荒於外內。俾晝作夜。罔水行舟。忠信弗聞。萋菲

必入。視人如草芥。從惡而順流。佞闖處當軸之權。媚

媢擅回天之力。賣官鬻獄。亂政淫刑。剗削被於忠良。

祿位加於犬馬。持瓢者非止百人。淮南子一瓢十人持則破搖

樹者不惟一手。於是土崩瓦解。衆叛親離。顧瞻周道

咸有西歸之志。方更盛其官觀。窮極荒淫。謂黔首之

可誣。指白日以自保。驅倒戈之旅。抗前歌之師。

隋房彥謙與薛道衡書曰。聖人大寶是曰神器。苟非

天命。不可妄得。故蚩尤項籍之驍勇。伊尹霍光之權

勢。季老孔丘之才智。呂望孫武之兵術。吳楚連磐石

之據。產祿承母后之基。不應歷數之兆。終無帝王之位。

後魏高謙上高祖疏曰。夏德中衰。少康成克復之主。周道將廢。宣王立中興之功。國無常安。世無恒救。惟在明王變之有方。化之有道耳。

後周史論賀拔勝曰。陳涉首事不終。有漢因而創業。賀拔元功夙殞。太祖藉以開基。不有所廢。君何以興。唐馬周上太宗書曰。歷觀夏商周之有天下。皆積德累業。恩結於人。豈無僻王。賴先哲以自免。末世創業。

之君不務仁化。當時僅能自守。後世無遺德可思。故人主雖以大功定天下。尤當隆禹湯文武之道。使恩有餘。為子孫立萬世之基。不特當年而已也。

太宗曰。玄齡與我定天下。見創業之為難。魏徵與我安天下。知守成之不易。

劉蕡策曰。秦之亡也。失於疆暴。漢之亡也。失於微弱。疆暴則姦臣畏死而害上。微弱則疆臣竊權而震主。五代伶官傳曰。嗚呼。盛衰之情。雖曰天命。豈非人事哉。觀莊宗之所以得天下。與其所以失之者。豈得之。



字當千斷而敘運  
帝王一世而存存  
德業而取君惟信  
水火而相此姓湯  
將兵白雲入房舜  
將兵黃雲升于堂  
舜無立錐之地  
有天下焉無十戶  
之聚以王諸侯陽  
武之士不過百里  
上不絕三光之明  
下不傷百姓之心  
者以帝王術也  
帝王之術必有明  
聖是懿之德豐  
功厚利積累之  
業然後精誠通于  
神明流澤加于生  
民故能為鬼神所  
福也天下所歸  
往未有運世無  
本功德不祀而得  
據起在此位者  
也

難而失之易歟抑本其成敗之迹而皆自於人歟憂  
勞可以興國逸豫可以忘身自然之理也故方其盛  
也舉天下之豪傑莫能與之爭及其衰也數十伶人  
困之身死國滅為天下笑夫禍患常積於忽微而智  
勇多困於所溺豈獨於人也哉

唐莊宗謂郭崇韜曰昔吾與梁對壘河上雖祁寒盛  
暑不以為勞今居深官廣廈不勝其熱何也崇韜對  
曰陛下昔以天下為心今以一身為意艱難逸豫為  
慮不同其勢自然也願無忘創業之難常如河上則

可使繁暑坐變清涼

宋王十朋上高宗曰天子之孝莫大於光祖宗安社  
稷因前王盈成而守周成康漢文景是也承前世衰  
微而興者商高宗周宣王是也先君有耻而雪之漢  
宣臣卑于唐太宗俘胡利是也先君有讐而復之夏  
少康滅澆漢光武誅莽是也迹雖不同為孝一也  
王安石對神宗曰人主當制法而不當制于法當化  
俗而不當化于俗

蘇徹對英宗曰事有失當何世無之父作於前子述

於後。前後相濟。此則聖人之孝。漢武外事四征。內興  
宮室財用匱竭。民不堪命。幾至大亂。昭帝委任霍光。  
剔去煩苛。漢室乃定。光武顯宗以察為明。以識決事。  
上下恐懼。人情不安。章帝即位。深鑒其失。代之以寬  
厚愷悌之政。後世稱焉。

李綱對欽宗曰。夫創業中興。如建大廈。室奧序。其  
規模可一日而成。鳩工聚材。則積非一日所致。○夫  
治天下必資於人才。而創業中興之主。所資尤多。何  
則。繼體守文。率由舊章。得中庸之才。亦足以共治。至  
於艱難之際。非得卓犖瓌偉之才。則未易有濟。是以  
大有為之君。必有不世出之才。參贊翊佐。以成大業。  
元許衡疏曰。取天下者尚勇敢。守天下者尚退讓。

### 文武

革爻象曰。大人虎變。其文炳也。

君子豹變其文蔚也。

禹謨益贊舜曰。乃武乃文。○班師振旅。帝乃誕敷文  
德。舞干羽于兩階。七旬有苗格。○禹貢曰。三百里揆  
文教。二百里奮武衛。

大雅文王有聲曰。文王受命。有此武功。○周頌雝曰。

宣哲維人。文武維后。○魯頌泮水曰。允文允武。照格烈祖。

左傳。子產曰。小國無文德而有武功。禍莫大焉。○仲尼曰。志有之。言以足志。文以足言。不言誰知其志。言之無文。行而不遠。晉為伯。鄭入陳。非文辭不為功。○定公與齊侯會於夾谷。孔子攝相事。曰。有文事者必有武備。有武事者必有文備。請具左右司馬。○公狩于郎。胡傳曰。戎祀國之大事。狩所以講大事也。用民以訓軍旅。所以示

之武而威天下。

雜記曰。張而不弛。文武弗能也。弛而不張。文武弗為也。一弛一張。文武之道也。

國語曰。夫敬。文之恭也。忠。文之實也。信。文之孚也。仁。文之愛也。義。文之制也。知。文之興也。勇。文之帥也。孝。文之本也。思。文之辭也。讓。文之材也。經之以天。緯之以地。經緯不喪。文之象也。

呂覽曰。繁禮之君。不足於文。繁戰之君。不足於詐。淮南子曰。德之所施者博。則威之所行者遠。義之所

加者淺則武之所制者小矣。○翟煎對惠王曰。今夫舉大木者。前呼邪音許。後亦應之。此舉動勸力之歌也。豈無鄭衛激楚之音哉。然而不用者。不若此其宜也。治國有禮。不在文辯。

論衡曰。周有郁郁之文者。在百世之末也。漢在百世之後。文論辭說。安得不茂。廬宅始成。桑麻纔有。居之歷歲。子孫相續。桃李梅杏。菴丘蔽野。根莖衆多。則華葉繁茂。漢氏治定久矣。土廣民衆。義興事起。華葉之言。安得不繁。夫華與實俱成者也。無華生實。物希有

之。山。之。禿。也。訖。其。茂。也。地。之。瀉。也。訖。其。滋。也。

新書曰。古者聖王居有法。則動有文章。鳴玉以行。佩

玉也。上有葱珩。下有雙璜。衝牙。蚘珠。以納其間。琚瑀

以雜之。行以采薺。趨以肆夏。蚘。大蚘。蓋竅九曲。珠用

知采薺禮。玉藻。作采。齊與肆夏。皆詩名。趨時歌。采步

齊以為節。行時歌。肆夏以為節。蚘音皮。本名蚘。蟬步

中規。拆中矩。進則揖之。退則揚之。然後玉鏘鳴也。登

車則聞鸞和之聲。馬行而鸞鳴。鸞鳴而和應。則敬御

之節也。上車以和鸞為節。下車以佩玉為度。故曰。明

君在位可畏。施捨可愛。進退可度。周旋可則。容貌可

觀作事可法。德行可象。聲氣可樂。動作有文。言語有章。夫有威而可畏。謂之威。有儀而可象。謂之文。富不可為量。多不可為數。故詩曰。威儀棣棣。不可選也。棣。富也。不可選。衆也。

史陸賈對高帝曰。馬上得之。寧可以馬上治乎。且湯

武逆取。而以順守之。文武並用。長久之術也。○說

陳平交驩。惟絳侯曰。天下安。注意相。天下危。注意將。

相和調。則士豫附。士豫附。天下雖有變。則權不今。權

不今。為社稷計。在兩君掌握一耳。

漢仲長統理亂篇曰。恩同天地。威侔鬼神。暴風疾雷。不足以方其怒。陽春時雨。不足以踰其澤。周孔數千。無所復用其聖。賁育萬數。無所復用其勇。

馬融上廣成頌曰。明德耀於中夏。威靈暢乎四荒。東隣浮巨海而入享。西旅越葱嶺而來王。南徼因九譯而致貢。朔狄屬象胥而來同。斯固帝王之所以耀神武而折遐衝者也。

刑法志曰。文德者帝王之利器。威武者文德之輔助也。夫文之所加者。深則武之所服者大。○時正平則

文德用。而武略之士無所奮其力能。故漢世有發憤張膽。爭膏身於夷狄。以要其功名多矣。祭彤耿秉。答匈奴之權。班超梁暉。奮西域之略。卒能成功立名。享受爵位。薦功祖廟。勅勲于後。亦一時之志士也。

魏孫盛上疏曰。勝之以解網之仁。致之以來蕪之惠。燿之以雷霆之威。潤之以時雨之施。則不恭可歛。衽於一朝。息哮可屈。膝於象魏矣。息音抱。泉有虎息。哮音肴。不驚聲。大怒也。

封徐紹孫或詔曰。聖帝明王。靜亂濟世。保大定功。文武殊塗。勲烈同歸。是故或舞干戚以訓不庭。或陳師

旅以威暴慢。至於愛民。全國康惠。庶類必先修文。示之執儀。不得已。然後用兵。此盛德之所同也。

摯虞上太康頌以美晉德曰。邈矣聖王。參乾兩離。陶化以正。取亂以奇。洋洋四海。率禮和樂。穆穆官廟。歌

雍咏鑠。詩頌於鑠王師光天之下。莫匪帝略。窮髮反景。海南有北

向戶之國。日出其北。故曰反景。承正受朔。龍驤駢駢。風于華陽。弓矢囊服。囊音韞。囊韞弓矢袋。韞音謙。左傳左屬囊韞。干戈戢藏。嚴嚴南金。荆揚

之業業餘皇。具有大戰艘。名曰餘皇。雄劔班朝。造舟為梁。聖明有造。寔代天工。天地不違。日月時豈。

宋禮志引晉程邈表曰。夫治世尚文。遭亂尚武。文武迭用。久長之道。譬之天地昏明之術。自古以來。未有不由之者也。

鮑照河清頌序曰。制禮裁樂。悖風遷俗。文教也。殊華

遠。羯。殊華異于華言。是夷狄。束頽絳闕。武功也。

梁王僧辨曰。農山圯下之策。孔子與子貢子路顏回農山言志圯下張良事

金匱玉帛之謀。太公金匱玉帛莫不定筭宸帷。決勝千里

周紀總論曰。驅馳戎馬之際。攝足行伍之間。時屬與

能運。膺啓聖。內詢帷幄。外杖材雄。推至誠以待人。弘

大順以訓物。英謀電發。神旆風馳。弘農建城濮之勳。

沙苑有昆陽之捷。取威定伯。以弱為強。修六官之廢

典。成一代之鴻規。德刑並用。勳賢兼叙。遠安邇悅。俗

阜人和。億兆之望有歸。揖讓之期允集。功業如此。亦

盛矣哉。非夫雄畧冠時。英姿不世。天與神授。緯武經

文者。孰能與析此乎。

武帝詔曰。相邠人柏海內。混楚弓於天下。○王威既

振。魚潰鳥離。幽清海岱。折簡而來。冀北河南。傳檄可

定。





重。偏必至於激。文武交激。非國之福。

平蜀詔曰。君人之道。先德而後刑。王者之師。有征而無戰。兵威震疊。寰宇來同。馳子牟魏闕之心。奉伯禹塗山之會。

### 建儲

震彖曰。不喪七鬯。出可以守宗廟社稷。以為祭主也。

○序卦曰。主器者莫若長子。故受之以震。

舜典。帝曰。夔。命汝典樂。教胄子。直而溫。寬而栗。剛而無彊。簡而無傲。

周南關雎曰。麟之趾。振振公子。于嗟麟兮。麟之為靈。昭昭也。或問。振振。振公族于嗟麟兮。○小雅斯干曰。乃生男子。載寢之床。載衣之裳。載弄之璋。其泣皇皇。朱芾斯皇。室家君王。

左傳。王子朝使告諸侯曰。昔先王之命。王后無適。則擇立長年。均以德。德均以下。王不立愛。公卿無私。古之制也。單劉贊。私立少簡。先王亦惟伯仲叔季圖之。

簡棄也。

○晉侯使太子申生伐東山。里克諫曰。太子奉冢祀社稷之粢盛。以朝夕視君膳者也。故曰冢子。君

行則守有守則從從曰撫軍守曰監國古之制也夫  
帥師專行謀誓軍旅君與國政之所圖也非太子之  
事也師在制命而已稟命則不威專命則不孝故君  
之嗣道不可以帥師○民至愚而神是非好惡靡不  
明且公也其為子而弗子者莫能使人弗之子也非  
所子而子之者莫能使人之亦子也○晉人以難故  
欲立長君趙孟曰立公子雍好善而長先君愛之置  
善則固事長則順立愛則孝○州吁有寵而好兵公  
弗禁石碏曰臣聞子教之以義方弗納于邪驕僭淫

沃所自邪也四者之來寵祿過也將立州吁乃定之  
矣若猶未也階之為禍○九月丁卯子同生傳曰春  
秋兼帝王之道賢可禪則以天下為公而不拘於世  
及之禮子可繼則以天下為家而不必於讓國之義  
萬世之通道也與賢者貴于得人與子者定於立嫡  
傳子以嫡天下之定禮也經書子同生所以明與子  
之法正國家之本防后世亂嫡奪正之事○冬曹伯  
使其世子姑射來朝傳曰大位奸之窺也危病邪之  
之伺也世子君之貳也君疾而儲貳出於窺伺之心

危道也。

文王世子曰凡三王教世子必以禮樂。所以修內也。禮所以修外也。禮樂交錯於中。發形於外。是故其成也。懌恭敬而溫文。立太傅少傅以養之。欲其知父子君臣之道也。太傅審父子君臣之道以示之。少傅奉世子以觀太傅之德行。去聲而審諭之。太傅在前。少傅在後。入則有保出則有師。是以教諭而德成也。師也者。教之以事而喻諸德者也。保也者。慎其身以輔翼之而歸諸道者也。記曰虞夏商周有師保有疑丞。

設四輔及三公不必備。唯其人語使能也。君子曰德德成而教尊。教尊而官正。官正而國治。君之謂也。仲尼曰昔者周公攝政踐阼而治。抗世子法於伯禽。所以善成王也。聞之曰為人臣者殺其身有益於君則為之。况于迂同其身以善其君乎。周公優為之。是故知為人子然後可以為人父。知為人臣然後可以為人君。知事人然後能使人。成王幼不能蒞阼。以為世子則無為也。是故抗世子法於伯禽。使之與成王居。欲令成王之知父子君臣長幼之義也。君之於世子

也親則父也尊則君也有父之親有君之尊然後兼  
天下而有之是故養世子不可不慎也行一物而三  
善皆得者唯世子而已其齒於學之謂也故世子齒  
於學國人觀之曰將君我而與我齒讓何也曰有父  
在則禮然而衆知父子之道矣其二曰將君我而  
與我齒讓何也曰有君在則禮然然而衆著於君臣  
之義也其三曰將君我而與我齒讓何也曰長長也  
然而衆知長幼之節矣故父在斯為子君在斯謂之  
臣居子與臣之節所以尊君親親也故學音效下之

為父子焉學之為君臣焉學之為長幼焉父子君臣  
長幼之道得而國治

國語曰傳太子者必教之春秋而為之箴善而抑惡  
焉以戒勸其心教之書而為之昭明德而廢幽昏焉  
以休惕其動教之詩而為之道廣顯德以耀明其志  
教之禮使知上下之則教之樂以疏其穢而鎮其浮  
教之法使訪官物教之訓典使知族類行此義焉若  
是而不從動而不悛則又詠物以行之求其賢以翼  
之悛而不懈則威儀以先後之體貌以左右之節文

以感動之恭敬以臨鑒之勸勉以厲之惇信以周之  
德音以揚之懾而不徹則明施舍以道之忠明久長  
以道之信明度量以道之義明等級以道之禮明昭  
利以道之文明除害以道之武明精以道之罰明  
正德以道之賞教備而不從者非人乎  
史齊世家樊仲山父諫宣王曰廢長  
命必誅之故出令不可不順也令之不行政之不立  
行而不順民將棄上夫下事上少事長所以為順今  
天子建諸侯立其少是教民逆也若魯從之諸侯效

之王命將有所壅若弗從而誅之是自誅王命也  
之亦失不誅亦失王其圖之

高帝欲以趙王如意易太子叔孫通諫曰昔者晉獻  
公以驪姬之故廢太子立奚齊晉國亂者數十年秦  
以不早定扶蘇令趙高得以詐立胡亥此陛下所親  
見今太子仁孝天下皆聞之呂后與陛下攻苦食淡  
其可背哉帝曰吾直戲耳通曰太子天下本本一搖  
則天下振動柰何以天下為戲耶

文帝紀有司請建太子曰豫建太子所以重宗廟社

稷不忘天下也。古者殷周有國。治安皆千餘歲。古之  
有天下者。莫不長久。用此道也。立嗣必子。從來遠矣。  
賈誼治安策曰。夏為天子。十有餘世。而殷受之。殷為  
天子。二十餘世。而周受之。周為天子。三十餘世。而秦  
受之。秦為天子。二世而亡。人性不甚相遠也。何三代  
之君。有道之長。而秦無道之暴也。其故可知也。古之  
王者。太子廼生。固舉以禮。使士負之。有司齋肅。端冕  
見之南郊。見于天也。過闕則下。過廟則趨。孝子之道  
也。故自為赤子。而教固已行矣。孩提有識。三公三少。

固明孝仁禮義。以道習之。逐去邪人。不使見惡行。於  
是皆選天下之端士。孝悌博聞有道術者。以衛翼之。  
使與太子居處出入。故太子廼生。而見正事。聞正言。  
行正道。左右前後皆正人也。夫習與正人居之。不能  
毋正。無母音猶生長於齊。不能不齊言也。習與不正人  
居之。不能毋不正。猶生長於楚之地。不能不楚言也。  
故擇其所嗜。必先受業。廼得嘗之。擇其所樂。必先有  
習。廼得為之。孔子曰。少成若天性。習貫如自然。及太  
子少長。知妃色。則入於學。學者。所學之官也。學禮曰。

帝入東學。上親而貴仁。則親疎有序。而恩相及矣。帝入南學。上齒而貴信。則長幼有差。而民不誣矣。帝入西學。上賢而貴德。則聖智在位。而功不遺矣。帝入大學。上貴而尊爵。則貴賤有等。而下不踰矣。帝入承師問道。退習而考於太傅。太傅罰其不則。而匡其不及。則德智長而治道得矣。此五學者。既成于上。則百姓黎民。化輯於下矣。及太子既冠成人。免於保傅之嚴。則有記過之史。徹膳之宰。進善之旌。誹謗之木。敢諫之鼓。瞽史誦詩。工誦箴諫。大夫進謀。士傳民語。

習與智長。故切而不媿。化與心成。故中

音道。若性三

代之禮。春朝朝日。秋暮夕月。所以明有敬也。春秋入

學。坐國老。執醬而親餽之。所以明有孝也。行以鸞和

步中采齊。

禮記采齊音慈惟淮南呂覽載采齊音嗟

趨中肆夏。所以明

有度也。其餘禽獸。見其生。不忍見其死。聞其聲。不忍

食其肉。故遠庖厨。所以長恩且明有仁也。夫三代之

所以長久者。以其輔翼太子。有此具也。及秦而不然。

其俗固非貴辭讓也。所上者告訐也。固非貴禮義也。

所上者刑罰也。使趙高傳胡亥。而教之獄。所習者非

斬劓人則夷人之三族也。故胡亥今日即位而明日射人，忠諫者謂之誹謗，深計者謂之妖言，其視殺人若艾草菅然，豈為胡亥之性惡哉？彼其所以導之者，非其禮故也。鄙諺曰：不習為吏，視已成事。又曰：前車覆後車，誠夫三代之所以長久者，其已事可知也。然而不能從者，是不法聖智也。秦世之所以亟絕者，其轍迹可見也。然而不避，是後車又將覆也。夫存亡之變，治亂之機，其要在是矣。天下之命懸於太子，太子之善在於早諭教。與選左右，夫心未濫而先諭教，則

化成也。聞于道術智藝之指，則教之力也。若其服習積貫，則左右而已。臣故曰：選左右早諭教，最急。夫教得而左右正，則太子正矣。太子正而天下定矣。

後魏李彪上高祖表曰：易稱主器者，莫若長子。傳曰：太子奉冢嫡之業，盛然則祭無主，則宗廟無所享。冢嫡廢則神器無所傳，故恢崇儒術以訓世嫡，選天下之端士，孝悌博聞者，以為衛翼。衛翼良，成王正。此周王所以長久也。

隋太子傳曰：氣秀春陸，神華少陽。春陸者東

寒之義也。



唐劉洎上太宗書曰。太子宗祧。是繫善惡之習。興亡在焉。弗勤于始。將悔于末。故鼂錯上書。令通政術。賈誼奏記。務知禮教。問安而退。以廣敬也。異官而處。以遠嫌也。授以良書。娛以佳賓。使耳所未聞。睹所未見。儲德愈光。群生之福也。

張玄素諫承乾太子曰。積德弟純。令聞不著。既闕視膳。問安之宜。又無悅道好學之實。壬臣敢進其說矣。向使動靜有常。進止有度。親君子。疏小人。黜浮華。守恭儉。又何朝納誨。夕補遺哉。

柳澤請養儲曰。生于富者驕。生于貴者傲。寵祿之過。罪之階也。謂安之乎。驕奢之淫。危之梯也。謂福之耶。當誕降謨訓。勸以學業。示之以好惡。陳之以成敗。則長享福祿矣。

元禎請選正人輔導曰。賈誼言三代之君。仁且久者。教之然也。周成王本中才。近管蔡則讒入。任周召。則善聞。豈天聰明哉。而克終於道者。教也。始為太子也。太公為師。周公為傅。召公為保。伯禽康叔與游。日不閱淫艷。耳不聞優笑。居不近庸邪。玩不備珍異。及為

君也。血氣既定，游習既成，雖有放心，不能奪已成之性。則彼道德之言，固吾所習聞；陳之者，易諭焉。回佞庸達，固吾所積懼；諂之者，易辨焉。太子欲去王叔文在也宋寇準對太宗曰：陛下為天下擇君，謀及嬖人，中官不可也；謀及近臣，不可也。

張述上仁宗疏曰：明兩作離，大人以繼明照四方。離為日，君象也。二明相繼，故能久照。東昇西沒，晝夜迭運，天道之常也。

司馬光言于仁宗曰：小人無遠慮，特欲倉卒之際，援

其可厚善者耳。定策國老，門生天子，禍可勝言哉。張昭疏曰：帝王之子，長于深宮，安于逸樂，紛華之玩，絲竹之音，日接於耳目，不與驕期而驕自至。倘非天資英敏，識本清明，以牴此心，焉能無惑？苟不預為教導，何以置之元良。

史浩對高宗曰：周禮言膳夫掌膳羞之事，歲終則會。惟王及后世子之膳羞不會。至酒正掌飲酒之事，歲終則會。惟王及后之飲酒不會。世子不與焉。以是知世子膳羞，可以不會；世子飲酒，不可以無節也。

胡五峰曰。養太子。不可以不慎也。望太子。不可以不仁也。大本正。然後可以保國一天下。

朱子曰。賈誼作保傳傳。此天下之至言。萬世不可易之定論也。當誼之時。固病於此法之不備。然考孝昭之詔。則猶知誦習。誼之所言。而有以不忘乎先王之意。降而及於近世。則帝王所以教子之法。益踈略矣。蓋其所以教者。不過記誦書札之工。而未嘗開以仁孝禮義之習。至於容貌詞氣衣服器用。則雖極于邪侈。而未嘗有以裁之也。僚屬具員。而無保傳之嚴講。

夏啟得天。武昭大禹之化。周成保儲。永成文武之猷。降及后世。則中官執太阿之柄。而天子門生。半夜飛斜封之書。而智割私物。是建立之計。不其矣。后。後命自虞。虞武。漢直。民之教。世子。抗于姬。且特。廢。禮。祿。之。日。降。及。後。世。則。博。望。一。關。而。處。之。非。其。地。韓。非。一。賜。而。導。之。失。其。方。是。教。諭。之。術。不。正。矣。尚。刑。名。以。示。教。而。不。免。于。塗。美。之。待。用。申。韓。以。

讀備禮。而無箴規之益。至於朝夕所與出入居處而親密無間者。則不過宦官近習。掃除趨走之流而已。夫以帝王之世。當傳付之統。上有宗廟社稷之重。下有四海蒸民之生。前有祖宗垂創之艱。後有子孫長久之計。而所以輔養之具。踈畧如此。是猶家有明月之珠。夜光之璧。而委之衢路之側。盜賊之衝也。豈不危哉。

金完顏素蘭上宣宗疏曰。太子者。天下之本也。欲治天下。先正其本。正本之要。無他在。選人輔翼之耳。夫

垂訓而不免于受  
之教則博望以延  
賓而不危於至  
蓋之禍

生於齊者能齊言而不能楚語未習之效也人之性亦在夫習之而已昔成王在襁褓中即命周召以為師保戒其逸豫之心告以持守之道終之功先文武垂休無窮

朝巡聘享

觀文曰觀國之光利用賓于王○大有文曰公用亨于天子

舜典曰五載一巡守群后四朝敷奏以言明試以功車服以庸

小雅車攻曰駕彼四牡四牡奕奕赤芾金舄會同有繹○瞻彼洛陽瞻彼洛矣維水泱泱君子至止福祿

既同君子萬年保其家邦此天子會諸侯于東都以講武事而諸侯美之也

左傳遠啓疆對楚子曰朝聘有珪享頌有璋小有述

職大有巡功設機而不倚爵盈而不飲宴有好貨殫

有陪鼎入有郊勞出有贈賄禮之至也國家之敗失

之禮也則禍亂興不倚不飲慎禮而不敬少肆也○公如齊觀社非

禮也曹劌諫曰不可夫禮所以整民也故會以訓上

下之則制財用之節朝以正班爵之義帥長幼之序

征伐以討其不然。諸侯有王。王有巡守。以大習之。非是君不舉矣。○天子非展義不巡守。諸侯非民事不舉。卿非君命不越境。○晉卻至對楚子反曰。世之治也。諸侯聞于天子之事。則相朝也。於是乎有享燕之禮。享以訓共儉。宴以示慈惠。共儉以行禮。而慈惠以布政。政以禮成。民是以息。百官承事。朝而不夕。此公侯之所以扞城其民也。○楚子合諸侯于申。椒舉曰。臣聞諸侯無歸。禮以爲歸。今君始得諸侯。其慎禮矣。伯之濟否。在此會也。○楚啓有鈞臺之享。商湯有景毫。

之命。周武有孟津之誓。成有岐陽之蒐。康有鄩官之朝。穆有塗山之會。齊桓有召陵之師。晉文有踐土之盟。君其何用。楚子示諸侯。侈椒舉曰。夫六王二公之事。皆所以示諸侯禮也。諸侯所以用命也。夏桀爲仍之會。有緡叛之商紂。爲黎之蒐。東夷叛之。周幽爲犬室之盟。戎狄叛之。皆所以示諸侯汰也。諸侯所以棄命也。今君以汰。無乃不濟乎。弗聽。○叔向曰。明王之制。使諸侯歲聘。以志業。間朝。以講禮。再朝而會。以示威。再會而盟。以顯昭明。志業於好。講禮於等。示威于

衆昭明于神。自古以來未之或失也。○陳五父曰。親  
仁善。隣國之寶也。○子產相鄭伯如晉。盡壞其館之  
垣。而納車馬焉。士文伯讓之。對曰。僑聞文公之為盟  
主也。宮室卑痺。無觀臺榭。以崇大諸侯之館。館如公  
寢。庫廡繕修。廡音夜。馬二百六十。司空以時。平易道  
路。巧人以時。填館宮室。諸侯賓至。甸設庭燎。僕人巡  
宮。車馬有所。賓從有代。巾車脂轄。隸人牧圉。各瞻其  
事。百官之屬。各展其物。公不留賓。而亦無廢事。憂樂  
同之事。則巡之。教其不知。而不恤其不足。賓至如歸。

寧苗患。○卻缺言於趙宣子曰。日衛不睦。故取  
地。今已睦矣。可以歸之。叛而不討。何以示威。服而不  
柔。何以示懷。非威非懷。何以示德。無德。何以主盟。○  
衛甯武子私對行人曰。昔諸侯朝正於王。王宴樂之。  
於是乎賦。湛露則天子當陽。諸侯用命也。諸侯敵王  
所愾。音慨。恨怒也。而獻其功。王於是乎賜之彤弓一。彤矢  
百。茲盧同也。弓矢千。以覺報宴。今陪臣來繼好。君辱貺  
之。其敢干大禮。以自取戾。武子來聘。公宴之。為賦。湛露及彤弓。故武子云云。  
曲禮曰。天子當依上聲音倚而立。諸侯北面而見。天子曰。

覲天子當宁而立。諸公東面，諸侯西面，曰朝。諸侯未  
及期相見曰遇。相見於郤與隙同，地曰會。諸侯使大夫  
問于諸侯曰聘。約信曰誓。涖牲曰盟。○王制曰：諸侯  
之於天子也，比年一小聘，三年一大聘，五年一朝。天  
子五年一巡狩。○歲二月東狩，守命，太師陳詩以觀  
民風。命市納賈，以觀民之所好惡。志淫，好辟，山川神  
祇有不舉者為不敬，不敬者君削以地。宗廟有不順  
者為不孝，不孝者君絀以爵。變禮易樂者為不從，不  
從者君流。革制度衣服者為畔，為畔者君討。有功德

於民者，加地進律。諸侯之朝也，考禮正服，一德以  
於天子。○聘義曰：以圭璋聘，重禮也。已聘而還圭璋，  
此輕財而重禮之義也。諸侯相厲以輕財重禮，則民  
作讓矣。○聘禮：上公七介，侯伯五介，子男三介。所以  
明貴賤也。介紹而傳命，君子於其所尊，弗敢背敬之  
至也。三讓而後入廟門，三揖而後至階，三讓而後升。  
所以致尊讓也。君使士迎，不竟境。大夫郊勞，去聲君親  
拜迎於大門之內，而廟受此。面拜，貺拜，君命之辱，所  
以致敬也。敬讓也者，君子之所以相接也。故諸侯相

接以敬讓。則不相侵。

周禮曰。春朝諸侯而圖天下之事。秋覲以比邦國之功。夏宗以陳天下之謨。冬遇以協諸侯之慮。

白虎通曰。二月東巡狩。至於岱宗。柴。燔柴而望五月南巡

狩。至於南岳。八月西巡狩。至於西岳。十一月朔巡狩。至於北岳。

文中子曰。舜一歲而巡五岳。國不費而民不勞。何也。兵衛少而徵求寡也。

文。漢武巡封。至維陽。詔曰。祭地冀州。瞻望河洛。巡省

豫州。觀於周室。

漢章帝告諸郡詔曰。朕為巡狩之制。以宣聲教。考同遐邇。解釋結寃也。今四國無政。不用其良。駕言出遊。親知其劇。易前祠園陵。遂望華霍。東柴岱宗。為人祈福。

宋禮志序曰。古者天子巡狩之禮。布在方策。至秦漢巡幸。或以厭望氣之祥。或以希神仙之應。煩擾之後。多非舊典。唯後漢諸帝。頗有禮焉。

武帝詔曰。昔周王驥跡。寔窮四冥。漢帝鸞鈴。夙徧五



嶽是皆所以上對幽靈。下理民土。沿時省方。觀察民俗。

後魏高帝賚貢使詔曰。夫駿奔入覲。臣下之常式。錫馬賜車。君人之恒惠。今諸邊君蕃胤。皆虔集象。魏趨鏘紫庭。貢饗既畢。言旋無遠。各可依秩。賜車旗衣馬。務令優厚。

高允諫高宗禮儀不依古式曰。夫饗者所以定禮儀。訓萬國。故聖王重之。樂非雅聲。則不奏。物非正色。則不列。

隋河間王弘得密書曰。舉烽火於驪山。諸侯莫至。浮膠船於漢水。還日未期。

唐禮樂志曰。天子將狩。告於其方三州曰。各修乃守。考乃職事。敢不敬哉。國有常刑。

裴光庭言玄宗東巡曰。封禪者所以告成功也。夫成功者。德無不被。人無不安。萬國無不懷。今將告成。而懼夷狄。非昭德也。大興力役。用備不虞。非安人也。方謀會同。而阻戎心。非懷遠也。

狄仁傑止李冲玄避妬女祠曰。天子之行。千乘萬騎。

風伯清塵兩師灑道

宋太祖平蜀詔曰。封冊之典。所以彰世祚。而記勳伐。繼絕之義。所以旌異域。而表來庭。

呂祖謙曰。巡狩之禮。此乃維持治具。提攝人心。聖人運天下妙用也。大抵人心久必易散。政事久必有缺。一巡狩而一整頓之。此所以新新不已之意也。

金梁襄上世宗疏曰。神龍不可以失所。人主不可以

輕行。

新選古今類腋卷之四終



